

## UF 7, 1

Lit.: Mayer-Wilhelm, UF 7, 315f., 324;

Datum: (VII) [119];

- Vs. 1 1 GÚ URUDU [SIG<sub>5</sub>] *i-še-er*  
*A-mur-A-šùr* DUMU  
*A-šùr-ta-ak-lá-ku*  
 DAM.QAR<sup>ru-um</sup>
- 5 *i-šu iš-tù* ITU.1.KAM  
*ší-ip-im*  
*li-mu-um*  
*Iš-ma-A-šur* [119]  
*a-na 9 ha-am-ša=tim*
- 10 *i-ša-qal*
- u.K. *šu-ma lá iš-qú-ul*  
 1 1/2 *ma-na.TA*
- Rs. *ší-ib-tám*  
*a-na 1 GÚ<sup>tim</sup>*
- 15 *i-na* ITU.1.KAM *ú-ša-áb*  
 IGI *Ma-nu-ba-lím-A-šùr*  
 DUMU *Ší-lá<sup>d</sup>IM*  
 IGI *Ar<sup>?</sup>-ip-tù-a*  
 DUMU *A-mur-A-šùr*
- 20 IGI *Púzur-A-šùr*  
 DUMU *Šu-Be-lim*  
*wa-bi<sub>4</sub>-il<sup>5</sup>*
- o.K. *tup-pì-im*  
 [šú-u]t
- l.S. 25 DAM.<QAR><sup>ru-um</sup>

## UF 7, 2

Lit.: Mayer-Wilhelm, UF 7, 316f.; Kienast, FAOSB 1, 38;

21-26: Donbaz, FS Veenhof 95A.59;

Vgl. Barjamovic, Geography A.1120;

Datum: (V) [217];

- Vs. 1 *A-šùr-<sup>r</sup>ma<sup>l</sup>-lik* DUMU *A-mur-A-šùr*  
*a-na Sú-Be-li* DUMU *Bu-lu-uṭ-be-lí*  
*iš-ba-ta-ni-ma um-ma*

- A-šùr-ma-lik a-na Sú-Be-li=ma*  
 5 *šú-ḥa-ra-am ša-áb-ra-am*  
*ga-lá-ba-am a-na  $1/2$  ma-na KÙ.BABBAR*  
*a-na ší-im ga-me-er (Ras.)*  
*ta-dí-nam 17 GÍN KÙ.BABBAR*  
*a-dí-na-kum*  
 10 *um-ma Sú-B[e-l]i*  
*a-na A-šùr-ma-lik-ma*  
*ke-na šú-ḥa-ra-am*  
*ša-áb-ra-am ga-lá-ba-ma*  
 u.K. *a-na  $1/2$  ma-na KÙ.BABBAR*  
 15 *a-na ší-im ga-me-er*  
 Rs. *a-dí-na-ku-um*  
*17 GÍN KÙ.BABBAR ta-dí-nam*  
*ITU.1.KAM áb ša-ra-ni*  
*li-mu-um Ku-ur-ku-d[a]=num* [217]  
 20 *IGI Pì-lá-aḥ-Sú-en<sub>6</sub> DUMU A-šùr-e-na*  
*a-na a-wa-tim a-ni-a-tim*  
*a-li-ku-ú ù kà-ru-um*  
*Šu-pu-lu-li-a*  
*i-dí-nu-ni-ma ba-áb*  
 25 *DINGIR<sup>li</sup> IGI šu-ga-ri-a-e*  
*ša A-šùr ší-bu-tí*  
*a-dí-in*

### UF 7, 3

Lit.: Mayer-Wilhelm, UF 7, 317f., 326;

- Vs. 1 *A-šùr-ma-lik DUMU A-mur-A-šùr*  
*ú A-sí-ru-um DUMU <sup>d</sup>UTU-ELLAT-sú*  
*IGI GÍR ša A-šùr iz-ku-ú-ma*  
*3 TÚG ku-ta-nu 4 sá-qú-ú*  
 5 *ša ba-ri-šu-nu*  
*ša-ak-nu 10  $2/3$  GÍN KÙ.BABBAR*  
*i-šé-er A-šùr-e-mu-qí*  
 u.K. 4 *GÍN KÙ.BABBAR*  
*i-šé-er*  
 Rs. 10 *Ú-zu-du-ú*  
*6  $1/2$  GÍN KÙ.BABBAR*

*ba-áb-tum*  
*ša Ta-nu-sí-im*  
*ša ba-ri-šu-nu*  
 15 2 *kà-ar-pá-tum*  
 Ì.GIŠ *ša ba-ri-šu-nu*  
*lá-šu ba-áb-tum*  
*a-ni-tum*  
 o.K. *ša A-šùr-ma-lik*  
 20 *ú A-sí-ri-im*

UF 7, 4

Lit.: Mayer-Wilhelm, UF 7, 318, 326;

Vs. 1 3 GÍN KÙ.BABBAR  
*ša E-na-na-at-A-šur*  
*ú E-lá-lí a-na*  
*Ás-qú-dim i-ḫi-ib-lu-ni*  
 5 3 GÍN KÙ.BABBAR *Ás-qú-dum*<sup>1</sup>  
*ša-bu ú E-na-na-at=A-šur*  
 u.K. *ú E-lá-lí*  
*ú-ša-bi<sub>4</sub>-ú<sup>1</sup>-šu*  
 Rs. *a-li ṭup-pu-um*  
 10 *ša 3 GÍN KÙ.BABBAR*  
*e-li-a-ni*  
*ša A-ba-a-a*  
*ú<sup>d</sup>UTU<sub>4</sub>*  
*kà-an-ku-ni ṭup-pu-um*  
 15 *šu-ut ṽ<sup>u</sup>-ku-uš*  
 IGI *Šar-ra-Sú-en<sub>6</sub>*  
 l.S. IGI *A-šur-e-na KÙ.BABBAR*  
*Ás-qú-dim ša-bu-ú*

UF 7, 5

Lit.: Mayer-Wilhelm, UF 7, 318, 327;

Neu: Hecker, ArOr 67, 561ff.;

6-8: Dercksen, OACTA 84;

Anm.: Originaltafel im Besitz von R. Kovacs, Corte Madera, CA-USA;

- Vs. 1 *a-na Li-ip-ta-nim*  
<sup>d</sup>*En-líl-ba-ni A-ḫi-a*  
*ú DINGIR-ba-ni qí-bi<sub>4</sub>-ma*  
*a-na Li-ip-tanim qí-bi<sub>4</sub>=ma*
- 5 *um-ma A-šur-ša-dí-li=ma*  
 2 *ma-na KÙ.BABBAR 1 1/4 GÍN.TA*  
*a-na šé-er 1 ma-na-em*  
*ta-ú-ur 9 GÍN*  
*ší-ib-tum iš-tí DINGIR-ba-ni*
- 10 *ša ṭup-pì-šu ḫa-ar-mì-im*  
*ša ku-a-tí ḫa-bu-lá-ku-ni*
- u.K. *ṭup-pá-am ša ku-nu-ki-a*  
*a-na-kam DINGIR-ba-ni il<sub>5</sub>-qé*
- Rs. *ša ki-ma ṭup-pu-um*
- 15 *ša 2 ma-na KÙ.BABBAR ú ší-ib=tí-šu*  
*ša e-li-a-ni*  
*sà-ru-ù a-ḫi a-ta ṭup-pá-[am]*  
*a-na DUMU um-mì-a-nim ke-nim*  
*pì-qí-id-ma a-šé-ri-a*
- 20 *lu-šé-ti-qú-nim-ma a-na-kam*  
*ṭup-pá-am ša ku-nu-ki-a*  
*lá-du-uk a-na ša ki-ma*  
*i-a-tí qí-bi<sub>4</sub>-ma áš-ta-na=me-ma*  
*Li-ip-ta-num*
- 25 *i-ta-ša-am šu-ma Li-ip-ta=num*
- o.K. *i-<ta>-ša-am ší-be ša-al-ša=at*  
*šu-u[k]-na-šu-um*  
*ki-ma KÙ.BABBAR il<sub>5</sub>-qé-ú*
- l.S. *ú ṭup-pu-um iš-tí-šu-ma*
- 30 *i-ba-ší-ú šu-ma DUMU um-mì-a-nim*  
*lá i-tab-ší DUB še-ší-a-ma*  
*a-na am-tim dí-na-šu*

### UF 7, 6

Lit.: Mayer-Wilhelm, UF 7, 321, 328;

Anm.: Vieles ganz fraglich und sfs.;

- Vs. 1 *a-na Puzur<sub>4</sub>-A-šur qí-b[i<sub>4</sub>-ma]*  
*um-ma I-a-šar-ma a-ḫ[i a-ta]*

- i-nu-mì uš-bu-ni ša KÙ.BA[BBAR]*  
 1 *ma-na.TA iš-tí a-ḫi-i[m]*  
 5 *ù eb-ri-[im]*  
*um-ta-ší-m[a a]l-qé-ma*  
*uš-ta-bi a-[n]a-k[a]m iš-tí*  
*ma-nim li-ip-tám*  
*i-šu-ma áš-qúl i-n[u-mì]*  
 10 *ba-a-ba-tí-a [KÙ.BABBAR] [...]*  
*ú ba-[a]-[ba-tí] ...*  
 u.K. *šú<sup>?</sup>-[...]*  
*x [...]*  
 Rs. *x-lá-x [...]*  
 15 *ḫu-bu-ta-x [...]*  
*a-na lá-nu-kà-ma [...]*  
*áš-pu-ra-kum um-ma ʾaʾ-[na-ku-ma]*  
*3<sup>2</sup>/<sub>3</sub> ma-na 5 GÍN KÙ.BABBAR*  
*a-ḫu-ur u<sub>4</sub>-ma-am KÙ.BABBAR*  
 20 *áš<sup>!</sup>-[q]úl 1 ʾGÚʾ 50 ma-na URUDU ší=kam*  
*[DINGIR]-na-da DUMU Ba-zi-a*  
*ḫa-bu-lam<sup>!</sup> ṣa-ba-sú-ma*  
*ša-áš-qí-íl<sub>5</sub>-šu 80 ma-na URUDU*  
*[š]í-kam Puzur<sub>4</sub>-<sup>d</sup>UTU DUMU Šu-Nu-nu*  
 25 *[ḫ]a-bu-lam a-ša-na-ba-sú-ma*  
 o.K. *[um-m]a šu-ut-ma El-me-da-[ku]*  
*[i]-šu Puzur<sub>4</sub>-A-šur ma ba-[...]*  
*šu-ma ta-aš-ba-at*  
 l.S. *té-er-[t]a-kà li-lí-kam-ma*  
 30 *[...] a-ša-ba-at*  
*] i-ra-de<sub>8</sub>-a-kum<sup>!</sup>*